

國語正義

國語正義卷第四

歸安董增齡撰集

魯語上

長勺之役曹劌問所以戰於嚴公解長勺魯地也曹劌

魯上也嚴公魯桓公之子嚴公同也初齊襄公立其政

無常鮑叔牙曰君使民慢亂將作矣奉公子小白奔莒

魯嚴八年齊無知殺襄公管夷吾召忽奉公子糾奔魯

九年夏嚴公伐齊納子糾小白自莒先入與嚴公戰於

乾時嚴公敗績故十年齊興師伐魯戰於長勺疏解長

地○長勺莊九年傳杜注魯地羅泌曰長勺宋之洧陵  
城今在寧陵東南二十五里後隸魯案宋在魯西南齊

在魯北兩國接壤無由繞道於宋羅說非也定四年傳  
成王以殷民六族錫伯禽有長勺氏則長勺本商民所  
居本屬魯也公曰不愛衣食於民解有惠賜也不愛牲玉於

神解牲犧牲玉圭璧所以祭祀也詩曰靡愛斯牲圭璧

既卒對曰夫惠本而後民歸之志解惠本謂樹德施利

也歸之志志歸於上民歸而後神降之福解降下也民

神之主故民歸神乃降福若有德於民而平均其政事

君子務治而小人務力動不違時器不過用解不過用

禮財用不匱莫不共祀解無不共祀非獨己也是以用

民無不聽求福無不豐今將惠以小賜祀以獨恭解小

賜臨戰之賜獨恭一身之恭也小賜不咸獨恭不優解

咸徧也優裕也不咸民弗歸也不優神弗福也將何以

戰夫民求不匱於財而神求優裕於享者也解裕饒也

享食也民餘年豐爲優裕故不可以不本解本先利民

莫不共祀公曰余聽獄雖不能察必以情斷之解獄訟

也對曰是則可矣解可者未大備可以一戰傳曰齊師

敗績夫苟中心圖民知雖不及必將至焉解苟誠也言

誠以中心圖慮民事其知雖有所不及必將至於道也

嚴公如齊觀社解嚴公二十三年齊因祀社蒐軍實以

示客公往觀之疏嚴公至觀之○春秋莊二十三年

也內傳杜注齊因祭社蒐軍實故公往觀之或謂郊特牲言唯爲社田國人畢作是未祭社之前先用獵以習

蒐狩不聞祭時而檢閱軍實況戎車國之利器不以示人恐無示客之理穀梁傳常視曰視非常曰觀觀無事之辭也以是爲尸女也范甯注主爲女往以觀社爲辭鄭康成駁五經異義引公羊說云蓋以觀齊女也墨子曰燕之祖齊之社稷宋之桑林男女之所聚而觀也觀社之義公羊爲長王夫之詩經稗疏猗嗟昌兮作於魯莊如齊觀社之時指莊姜哀姜而言因據爾雅姊妹之夫曰甥以釋展我甥兮則以猗嗟爲哀姜姊妹所作直以觀女爲觀哀姜矣然韋以觀社爲觀曹劌諫曰不可軍實杜孔並同不得謂其孤文無證也

夫禮所以正民也是故先王制諸侯使五年四王一相

朝也解賈侍中云王謂王事天子也歲聘以志業間朝

以講禮五年之間四聘於王而一相朝者將朝天子先

相朝也唐尙書云先王謂堯也五載一巡守諸侯四朝

昭謂以堯典相參義亦似之然此欲以禮正君宜用周

制周禮中國凡五服遠者五歲而朝禮記曰諸侯之於

天子也此年一小聘三年一大聘五年一朝謂此也晉

文公霸時亦取於此禮疏先王至相朝○再聘以志業

文疏謂每歲令大夫一聘天子間一歲親自入朝其說

與尚書晚出之周官篇六年天子服一朝合然曹樹言相

朝是彼朝此此亦朝彼若朝天子則不得名為相朝賈

侍中之說與此此傳末合章鄭注明言此大聘與朝晉文霸

一大聘五年一朝彼經鄭注明言此大聘與朝晉文霸

時所制也疏引昭三年傳子太叔曰昔文襄之霸也其

務不煩諸侯令諸侯三歲而聘五歲而朝為證王制作

於漢時正述晉文霸時之制故云晉文霸時亦取此禮

也秋官大行人凡諸侯之邦交歲歲相問也殷相聘也

而相聘也父死子立曰世凡君即位大國朝焉小國聘

焉則言當依此制諸侯位敵尚歲歲修聘則於天子每

年必聘可知所謂五年四王也一相朝者謂大國子即

位則我往朝如昭十年傳齊侯衛侯鄭伯如晉朝嗣君

是也我更一世亦往朝大國襄三年如晉始朝也杜注  
公卽位而朝是也蒯謂諸侯唯卽位則一相見其餘則  
無有相如者以止公之行也至文十五年傳曰曹伯來  
朝禮也諸侯五年再相朝以修王命此卽晉文所定之  
制非周公之典左氏生定哀之後故亦以此爲終則講  
古制不得援此以議大行人世相朝之文也

於會以正班爵之義解終畢也講習也班次也謂朝畢

則習禮於會以正爵位次序尊卑之義帥長幼之序訓

上下之則解帥循也制財用之節解謂牧伯差國大小

使受職貢也其間無由荒怠解其間朝會之間夫齊棄

太公之法而觀民於社解太公齊始祖太公望也君爲

是舉解舉動也而往觀之非故業也解業事也何以訓

民土發而社助時也解土發春分也周語曰土乃脈發

社者助時求福為農始也〔疏〕土發而社○月令孟春天

農書曰土長冒橐陳根可按耕者急發此土發之收〔引〕

而烝納要也〔解〕擗拾也冬祭曰烝烝因祭社以納五穀之

要休農夫也月令曰孟冬祀於天宗大祀公社及門閭

〔疏〕秦法擗拾至農夫○擗拾也者漢書刑法志蕭何擗

擗遺利擗為卷藏之義冬祭曰烝者烝眾也冬物成可

薦者眾也月令季秋農事備收舉五穀之要鄭注定其

租稅之簿此納要之事也○解月令至門閭○月令鄭

注天宗謂日月星也疏引蔡邕曰日為陽宗月為陰宗

上公配祭故云公社先祭社稷後祭門閭故曰及此等

之祭總謂之蜡其祭則皮弁素服葛帶榛杖凡蜡皆

在建亥之月皇氏謂夏殷蜡各在己之歲終非也今

齊社而往觀旅非先王之訓也〔解〕旅眾也天子祀上帝



解上帝天也諸侯會之受命焉解助祭受政命也疏子天

至受命○天子于日南至祀昊天上帝於圜丘則謂之

禘祀感生帝于南郊則謂之郊感生帝者殷祀黑帝汁

光紀周祀蒼帝靈威仰也韋解上帝天也蓋言帝不足

以包天而言天足以包帝舉昊天上帝以統五德之帝

也禮大傳牧之野武王之大事也既事而退柴於上帝

祈於社釋奠於牧室遂率天下諸侯執豆籩駿奔走追

王太王亶父王季歷文王昌經言遂率諸侯則郊之有諸

帝之諸侯而至宗廟廟卑郊尊廟有諸侯則郊之有諸

明矣諸侯祀先王先公解先王謂若宋祖帝乙鄭祖厲

王之屬也先公先君也卿大夫佐之受事焉解事職事

也疏諸侯至受事○諸侯有在賓恪之位而祀先王者

吳子壽夢卒魯臨於周廟昭十八年宋衛鄭陳火鄭徙

主祀於周廟皆有廟以祀所出之王也先公則自始封

之祖下逮禰廟祭義祭之日君牽牲穆答君卿大夫序

從既八廟門麗於碑卿大夫袒而毛牛尚耳禮器君親

牽性大夫贊幣而從又言卿臣不聞諸侯之相會祀也

祀又不法解不法謂觀民也君舉必書解動則左史書

之言則右史書之書而不法後嗣何觀公不聽遂如齊

嚴公丹桓宮之楹而刻其桷解桓宮桓公廟也楹柱也

唐云桷桷頭也昭謂桷一名榱今北土云亦然爾雅曰

桷謂之榱嚴公娶於齊曰哀姜哀姜將至當見於廟故

丹柱刻榱以夸之疏嚴公至其桷○穀梁傳禮天子黜

子之桷斲之嚮之加密石焉諸侯之桷斲之嚮之大夫

斲之士斲本刻桷非禮也斥言桓宮以惡莊也內傳杜

注刻鏤也桷榱也將匠師慶言於公解匠師慶掌匠大

夫御孫之名也曰臣聞聖王公之先封者解謂若湯武

周公太公遺後之人法使無陷於惡其爲後世昭前之  
令聞也解爲猶使也使長監於世解監觀也觀世成敗  
以爲戒也故能攝固不解以久解攝持也今先君儉而  
君侈之解先君桓公令德替矣解替滅也公曰吾屬欲  
美之解屬適也適欲自美之非先君意也對曰無益於  
君而替前之令德臣故曰庶可以已乎解已止也公弗  
聽

哀姜至公使大夫宗婦覲用幣解宗婦同宗大夫之婦

也覲見也見夫人也用幣言與大夫同幣疏

哀姜至用幣○內傳

孔疏襄二年葬齊姜傳齊侯使諸姜宗婦來送葬諸姜是同姓之女知宗婦是同姓大夫之婦也上相見禮

稱大夫始見於君執贊夫人尊與君同臣始爲臣有見  
君之禮明小君初至亦當有禮以見也且傳唯譏婦贊  
不宜用幣不言觀之爲非知其禮當然也大夫當用羔  
雁用幣亦爲非禮也莊公欲害夸夫人故使男女同贊  
惡其男女無別且譏宗人夏父展曰非故也解宗人宗  
僭爲失禮故書之

伯也夏父氏也展名也宗伯主男女贊幣之禮故故事

也疏解宗人宗伯○春官宗伯鄭注宗伯主禮之官引  
傳夏父弗忌爲宗人及宗人魯夏獻其禮特牲饋  
食禮宗人卽宗伯也公曰君作故解言君所作則爲  
證是宗人卽宗伯也

故事對曰君作而順則故之解順順於禮則書以爲故

事逆則亦書其逆也臣從有司懼逆之書於後也故不

敢不告解從有司言備位隨從有司後行也夫婦贊不

過棗栗以告虔也解棗取蚤起栗取敬栗虔敬也曲禮

曰婦人之贊脯修棗栗〔疏〕婦贊至告虔○穀梁傳范解

栗曲禮孔疏棗早也栗肅也取其早白矜莊栗取其敬

並同章義案昏禮婦見舅以棗栗見姑以暇修小君之

尊同於君故以見男則玉帛禽鳥以章物也〔解〕謂公執

舅之贊見之也桓主侯執信圭伯執躬圭子執穀璧男執蒲璧孤執皮

帛卿執羔大夫執雁士執雉庶人執鶩工商執雞也章

明也明尊卑異物也〔疏〕男則至章物○內傳杜注公侯

卿執帛孔疏典命云公之孤四命以皮帛眠小國之君

又云凡諸侯之適子誓於天子攝其君則下其君一等

未誓則以皮帛繼子男哀七年傳禹合諸侯於塗山執

玉帛者萬國附庸是國明執帛者附庸也周禮鄭注皮

帛者束帛而表以皮為之飾帛如今壁色縐也曲禮曰

飾羔雁者以續言天子之臣飾羔雁以布又畫之諸侯

之臣飾以下無飾也〔疏〕今婦人執幣是男女無別也男女

白雉以下無飾也

之別國之大節也不可無也公弗聽

魯饑臧文仲言於嚴公解魯饑在嚴公二十八年文仲

魯卿臧哀伯之孫伯氏瓶之子臧孫辰也曰夫爲四鄰

之援解援所以摯援以爲助也結諸侯之信重之以婚

姻申之以盟誓解申重也固國之艱急是爲解艱難也

是爲爲難急也鑄名器解名器鐘鼎也藏寶財解寶財

玉帛也固民之殄病是待解殄絕也病饑也今國病矣

君盍以名器請糴於齊解盍何不也市穀曰糴公曰誰

使對曰國有饑饉疏國有饑饉○爾雅釋天穀不熟爲

不收謂之饑二穀不收謂之饉三穀不收謂之凶四穀

饑亦曰卿出告羅古之制也解告請也疏卿出至之制

司徒大荒大札則令邦國移民通財小行人若國凶荒

令賜委之不問有告羅之禮周書羅匡篇大荒卿參告

羅蓋記衰周之制解孫稱爲辰也備卿辰請如齊公使

古制其始於西周之衰乎往從者曰君不命吾子吾子請之其爲選事乎解選事

自選擇其職事也文仲曰賢者急病而讓夷解夷平也

居官者當事不避難在位者恤民之患是以國家無違

解無相違狠者今我不如齊非急病也在上不恤下居

官而情非事君也文仲以鬯圭與玉磬如齊告羅解鬯

圭裸鬯之圭長尺二寸有瓚以祀廟玉磬鳴璆也疏鬯

圭至鳴璆○周官典瑞裸圭有瓚以肆先王以裸賓客

鄭注引漢禮瓚槃大五升口徑八寸下有槃口徑一尺

則璫如勺爲槃以承之也天子之璫其柄之圭長尺有二寸其賜諸侯蓋九寸以下詩旱麓鄭箋圭璫之狀以圭爲柄黃金爲勺青金爲外朱中央矣書益稷疏引鄭注云璫懸也而以今堂上之樂玉磬和尊之也是二者皆名也曰天災流行戾於敝邑饑饉荐降民羸幾卒解戾

至也荐重也降下也羸病也幾近也卒盡也疏饑饉荐

雅釋天仍饑爲荐信十三年傳晉荐大懼殄周公太公饑疏引李巡爾雅注連歲不熟曰荐

之命祀解賈唐二君云周公爲太宰太公爲太師皆掌

命諸侯之國所當祀也或云命祀謂命祀二公也昭謂

傳曰衛成公祀夏后相寧武子曰不可以間成王周公

之命祀如此賈唐得之矣疏解賈唐二君至得之○太

日祭祀以馭其神定四年傳周公相王室以尹天下分魯公以祝宗卜史祀之官也官司彝器祀之器也蓋傳



王命以命之也至太師一官僅一見於尚書而不言其制祀典然僖四年傳管仲對楚使曰賜我先君履東至於海則魯境亦在賜履之內名山大川皆其所主非太公之命祀而何僖二十九年傳甯武子曰不可以間成王周公之命祀彼文冠周公以成王者成王爲周之共主稱之以距相也此獨配周公以太公者太公爲齊之始祖舉之以尊齊也職貢業之不其而獲戾解戾罪也立言之義各有當也

不腆先君之敝器解腆厚也敢告滯積以紓執事解滯

久也紓緩也執事齊有司也穀久積則當朽敗執事所

憂也請之所以緩執事以救敝邑使能其職豈唯寡君

與二三臣實受君賜其周公太公及百辟神祇實永饗

而嘉賴之解辟君也賴蒙也天曰神地曰祇百辟謂百

君卿士有益於民者疏引解辟君至於民○說文神天神

引出萬物者也祇地祇提出萬

物者也月令鄭注百辟卿士若句龍后稷之類疏百辟則古之上公縣爲崇伯而禮記祭法有祀之文社稷五祀雖爲王朝卿士兼帶上公之官故左氏云封爲上公祀爲貴神是身爲百辟又爲卿士也齊人歸其玉而予之糴

齊孝公來伐解孝公齊桓公之子孝公昭也魯僖公叛

齊與衛莒盟於洮又盟於向故孝公伐魯討此二盟滅

文仲欲以辭告解欲以文辭告謝齊也病焉解病不能

爲辭也問於展禽解展禽魯大夫展無駭之後柳下惠

也字季禽對曰獲聞之處大教小處小事大所以禦亂

也不聞以辭解獲展禽之名也禦止也若爲小而崇以

怒大國解崇高也謂自高大不事大國使加已亂亂在

前矣解亂惡也辭其何益文仲曰國急矣百物唯其可

者將無不趨也解百物之中可用行賂將無不趨言無

所愛也願以子之辭行賂焉其可乎展禽使乙喜以膏

沐犒師解乙喜魯大夫展喜也犒勞也以膏沐為禮欲

以義服齊明不以賂免疏以膏沐犒師○禮內則鄭注

植求通親親表呂向注膏脂也沐疑者釋者曰膏文選曹

之東首如飛蓬豈無膏沐誰適為容則膏沐以潤髮也

犒勞也者倍二十三年傳疏引服虔內傳注以師枯槁

故饋之飲食高誘淮南注酒肉曰餉牛羊曰犒故其字一

釋載漢碑有勞醕之語公羊傳注牛酒曰犒故其字一

則犒為犒本字以膏沐為禮曰寡君不佞解佞才也不

言以膏沐為犒師之物也

能事疆場之司解司主也主疆場吏也不能事故構我

也使君盛怒以暴露於敝邑之野敢犒輿師解輿衆也

齊侯見使者曰魯國恐乎解使者乙喜也對曰小人恐

矣君子則不公曰室如縣磬野無青草何恃而不恐解

縣磬言魯府藏空虛但有榱梁如縣磬也野無青草早

甚也故言何恃疏室如縣磬○僖二十三年傳疏引孔

虔左傳注言室屋皆發撤榱椽在如縣磬則晁注與章

注同皆宗服氏義也杜預左傳注如而也時夏四月今

之二月野物未成故言居室而資糧縣盡則以磬爲盡

陸氏釋文因訓曰磬盡也劉炫曰如磬在縣下無粟帛

孔疏袒杜而斥爲謂野無青草可食明此在室無資糧

可噉故改如爲而言居室而資糧縣盡也明與內外傳

文相背孔氏作禮記疏則磬於甸人引左傳亦作縣磬

則孔氏亦明知杜氏改如爲而訓磬爲盡之非特左傳

疏中拘於疏不破注之對曰恃二先君之所職業昔者

積習而爲杜左袒耳

對曰恃二先君之所職業昔者

成王命我先君周文公及齊先君太公曰女股肱周室  
以夾輔先王解先王武王也賜女土地質之以犧牲世  
世子孫無相害也解質信也謂使之盟以信其約今君  
來討敝邑之罪其亦使聽從而釋之解釋置也必不泯  
其社稷解泯滅也豈其貪壤地而棄先王之命其何以  
鎮撫諸侯恃此以不恐齊侯乃許爲平而還解平和也  
溫之會解溫之會晉文公討不服在魯僖二十八年晉  
人執衛成公歸之於周解成公恃楚而不事晉又殺弟  
叔武其臣元咺訴之晉故文公執之事見周語中使醫  
鳩之不死解鳩鳥名也一名運日其羽有毒漬之酒而

飲之立死傳曰晉侯使醫衍鴆衛侯甯俞貨醫使薄其

鴆不死在魯僖三十年

**疏**解鴆鳥至立死○僖三十二

日運日廣雅云雄曰運日雌曰陰諸廣志云鴆鳥形似

鷹大如鷄毛黑喙長七八寸黃赤如金食蛇及橡實居

高山巖晉書諸公讚云鴆鳥食嘍以羽翮櫟酒水中郎將

之則殺入舊制鴆不得渡江有重法石崇為南中郎將

得鴆以與王愷養之大如鷄喙長尺許純食蛇虺司隸

傳祇於愷家得此鳥奏之宣示百官燒於都街是說鴆

鳥之狀也以其因酒毒人故字或醫亦不誅**解**不誅醫

為酖案閔元年傳晏安酖毒是也

者諱以私行毒也臧文仲言於僖公曰**解**僖公嚴公之

子僖公申也曰夫衛君殆無罪矣刑五而已無有隱者

隱乃諱也

**解**

隱謂鴆也大刑用甲兵

**解**

賈侍中云謂諸

侯不式王命則以六師移之昭謂甲兵謂臣有大逆則

被甲聚兵而誅之若今陳軍也〔疏〕大刑用甲兵○漢書

師誅暴亂是其次用斧鉞〔解〕斧鉞軍戮也書曰後至者

與賈同義〔疏〕解斧鉞至者斬○後至者斬古文秦晉文史記魯

斬〔疏〕解列傳東藩之臣因齊後至則斬之集解引成二

年公羊傳注斬斬也是中刑用刀鋸〔解〕割剗用刀斷截

後至者斬古常法也中刑用刀鋸〔疏〕中刑用刀鋸○

用鋸亦有大辟故周語曰兵在其頸〔疏〕漢書刑法志章

昭注刀割刑鋸刑也太平御覽刑法部引尚書攷靈

曜割者丈夫割其勢也西陽雜俎引尚書攷靈曜剗象

七政日月五星其次用鑽竿〔解〕鑽腹刑竿黥刑也〔疏〕其

應政變易也其次用鑽竿〔解〕鑽腹刑竿黥刑也〔疏〕其

用鑽竿○書呂刑刑辟疑赦伏生書傳作隨辟漢書刑

法志引書亦作隨周禮司刑疏鑽木苗民虐刑咎繇改

作刑周改刑作刑書傳云鑽者舉本名也據此則三代

無鑽刑韋云鑽鑽刑者當亦舉本名然上解既以鋸為

刑刑則此鑽字非舉本名直以鑽為鑽刑也與賈公彥

異義矣董蠡舟曰文王世子疏引魯語云小刑用鑽鑿

卽墨刑也刻其面是用鑕鑿也孔穎達以鑕與竿皆墨刑所用墨刑爲五刑之輕者故曰小刑若隳刑則重於之義似勝於韋也

薄刑用鞭朴以威民也

解鞭官刑

朴教刑也故大者陳之原野

解謂甲兵斧鉞也

疏大者

原野○漢書刑法志顏注謂征討所殺也

小者致之市朝

解

凡鋸以下也其

死刑大夫以上尸諸朝士以下尸諸市五刑三次是無

隱也

解五刑甲兵斧鉞刀鋸鑕竿鞭朴也次處也三處

野朝市今晉人鳩衛侯不死亦不討其使者

解使者

衍諱而惡殺之也

解諱殺衛侯也有諸侯之請必免之

臣聞之班相恤也故能有親

解班次也恤憂也言位次

同者當相憂恤也夫諸侯之患諸侯恤之所以訓民也



**解**訓教也教相救恤也君盍請衛君以示親於諸侯且

以動晉**解**動發晉侯之志夫晉新得諸侯**解**新爲伯也

使亦曰魯不棄其親其亦不可以惡**解**不可以惡亦不

可以惡魯也公說行玉二十穀乃免衛侯**解**雙玉曰穀

傳曰納玉於王及晉侯皆十穀王許之**疏****解**雙玉曰穀

訓元玉百工高注二玉爲一工說自是晉聘於魯加於

文兩玉相合爲一珪珪或爲穀諸侯一等**解**貴其義也爵同則厚其好貨**解**爵與魯同

者特厚其好貨衛侯聞其臧文仲之爲也使納賂焉辭

曰外臣之言不越境不敢及君**解**言臣不外交也

晉文公解曹地以分諸侯**解**解削也晉文公誅無禮曹

人不服伐而執其君削其地以分諸侯事在魯僖公三

十一年取濟西之田

**疏**

晉文至諸侯。○孔穎達曰：曹都雖在濟陰，其地則踰濟北，王應

麟曰：曹在汶南，濟東據魯而言，是濟西魯在其東南，水經濟水至乘氏縣西，分爲二注，引內傳：分曹地東傳於濟，濟水自是北東。僖公使臧文仲往宿於重館。解重魯

流出鉅澤是也。

地館候館也。周禮五十里有市，市有候館。

**疏**。○解重魯地。後漢郡

國志：山陽郡方與縣注引內重館人告曰：晉始伯而欲傳杜預注：縣西北有重陽城。

固諸侯

**解**

人守館之隸也。固猶安也。

**疏**

○解人守館之隸。○惠士奇曰：古

之賓客不舍於庶民之家，人爲官名貴，非大夫賤不至。隸且館者，候館也。周制：置有寓望，謂寄寓之樓，可以觀望。亦曰：候館，館有積遺人掌之，其官中士下士而賓客羈旅，則委人以甸稍之畜，聚供之。凡軍旅之賓客館焉。臧文仲卿也，卿行旅從，非所謂軍旅之賓客與委人故之官與遣人等然，則重館人者，委人也。理或然也。

解有罪之地以分諸侯解有罪謂不禮文公觀骈脅也  
諸侯莫不望分而欲親晉皆將爭先晉不以故班解班  
次也亦必親先者吾子不可以不速行魯之班長而又  
先解長猶尊也先至也諸侯其誰望之解誰敢望與  
魯爲比也若少安恐無及也從之獲地於諸侯爲多反  
既復命爲之請曰地之多也重館人之力也臣聞之善  
有章雖賤賞也解章簪也惡有釁雖貴罰也解釁兆也  
今一言而辟境其章大矣解辟開也請賞之乃出而爵  
之解出出之於赫爵爵爲大夫

海鳥曰爰居止於魯東門之外二日解爰居雜縣也東

門城東門也

**[疏]**

海鳥至二日○爾雅釋鳥爰居維縣釋

風急就篇謂之乘風

又引

司馬彪曰爰居舉頭高八尺

郭璞注漢元帝時琅邪有大鳥如馬駒時人謂之爰居

水經泗水注沂水出魯城東南尼邱山西北平地發

泉流逕魯縣故城南水北東門外即爰居所止處也

臧

文仲使國人祭之

**[解]**

文仲不知以為神也

**[疏]**

臧文至祭

至樂篇海鳥止於魯郊魯侯御而觴之於廟奏九韶以

為樂只太牢以為膳鳥乃眩視憂悲三日而死是因魯

祭爰居而相傳為此說也文選鵙鵙賦李周翰注爰展

居避風於魯東門臧文仲祭以鐘鼓其語差為近實展

禽曰越哉臧孫之為政也

**[解]**

越迂也言其迂濶不知政

要夫祀國之大節也

**[解]**

節制也而節政之所成也

**[解]**

言

節所以成政故慎制祀以為國典

**[解]**

典法也今無故而

加典非政之宜也

**[解]**

加益也謂以祭鳥益國法也夫聖

王之制祀也法施於民則祀之解謂五帝殷契周文也

以死勤事則祀之解殷冥水死周棄山死是也以勞定

國則祀之解虞幕夏杼殷上甲微周高圉太王也能禦

大災則祀之解夏禹是也能扞大患則祀之解殷湯周

武是也非是族也不在祀典解族類也昔烈山氏之有

天下也解烈山氏炎帝之號也起於烈山祭法以烈山

爲厲山疏解烈山至厲山○史記五帝本紀正義引帝

聖德以火德王故號炎帝初都陳又徙魯又曰隄隄氏

又曰連山氏又曰列山氏括地志云厲山在隨州隨縣

北百里山東有石穴相傳是神農所生處所謂烈山氏

也春秋時爲厲國路史禪通紀炎帝神農氏姓伊耆名

軌一名石年母安登生神農於列山之石室肇迹列山

故又以列山厲山爲氏注卽烈山厲山也水經滂水注

滂水逕厲鄉南水南有重山卽烈山也案厲山在今湖北德安府隨州北四十里厲烈與列本通字詩小雅垂帶如厲厲裂也禮內則鄭注聲裂疏謂卽桓二年左傳擊厲開山圖云烈山氏產山谷分布元氣蓋卽厲山氏禮七祀太厲儀禮疏謂帝王之無後者至漢七祀無厲而有山神說者遂以爲厲山氏妄矣杜預又謂烈山氏神農世諸侯孔疏引世紀謂神農爲君總有八世烈山氏於神農之世爲諸侯後爲神農夫旣終於天子之位卽不得謂爲諸侯也其子曰柱能殖百穀百蔬解柱爲預注及孔疏皆非也

后稷自夏以上祀之草實曰蔬疏其子至百蔬○禮祭

孫各柱案疏引春秋緯命歷敘炎帝號曰大庭氏傳八世合五百二十歲柱之世次當在八世之內此傳云柱

祭法云農者劉炫曰蓋柱地名其官曰農猶呼周棄爲稷路史炎帝紀柱神農之子也七歲有聖德佐神農氏

同歷名山開田墾土時雨至則挾搶又以從事於疇殖百蔬區百穀別其疏邀深耕聖作以興歲亦曰烈山氏

楊泉物理論稻粱粟各二十種爲六十蔬果之實助穀各二十凡爲百穀周官太宰之職八曰臣妾聚斂蔬材

鄭注疏材百草根實可食者可食之菜或蔬  
於圖或采於野厥類孔多通謂之百蔬也  
夏之興也

周棄繼之故祀以為稷解  
夏之興謂禹也棄能繼稷之

功自商以來祀之疏  
稷解夏之至祀之○昭二十九年傳

鄭注首種為稷也周語號文公曰民之大事在農是故

稷為大官然則百穀稷為其長遂以稷名為農官之長

案史墨言封為上公祀為貴神故生為稷官死為稷神

漢書郊祀志言能殖百穀死為穀祠是也應劭曰湯遭

大旱七年明德以薦而旱不止故遷社以棄代為稷欲

遷向龍而德莫能繼故止孔穎達曰湯於帝世年代

近功之多少傳習可知棄功乃其工氏之伯九有也解

過於柱廢柱以棄為稷神也  
其工氏伯者在戲農之間有域也疏  
共工伯者戲農之

問者祭法鄭注共工氏無錄而王謂之伯疏引昭十七  
年傳鄭子稱炎帝氏以火紀共工氏以水紀太皞氏以  
龍紀從下逆陳是在炎帝之前太皞之後也尹文子盤  
古篇共工觸不周山折天柱絕地維是也鄭康成曰天

子衰諸侯興故曰霸霸把也言把持王者之政教也有  
域也者商頌奄有九有文選注引韓詩作奄有九域薛  
君章句九域九州也又正域彼四方毛傳域有也互相  
轉訓惠棟謂域从或說文或邦也从口从戈以守一一  
地也春秋命歷序人皇氏依山山川土地之勢財度爲九  
州謂之九圀說者謂圀卽有宏嗣不引春秋緯文爲解  
者因圀取草木之義其子曰后土能平九土解其子共  
不足以包萬物也

工之裔子句龍也佐黃帝爲土官九土九州之土也后

君也使君土官故曰后土疏解其子至后土○昭二十

後世子耳亦不知句龍之爲后土在於何代少昊氏旣  
以鳥名官則當在顓頊以來耳后土君也爲君而掌土能

治九州五土之神故祀以爲配社之神淮南時則訓故  
中央土其帝黃帝其佐后土執繩而制四方是也

祀以爲社解社后土之神也疏解社后土之神○詩楚  
五土之神能生萬物者以古之有大功者配之昭二十

九年傳后土爲社鄭注答趙商后土謂社謂輔作社神



趙商問郊特牲社祭土而主陰氣大宗伯王大封則先

告后土注云后土神也若此之義后土則社則后

生二者未知何云敢問后土祭誰社祭誰乎答曰句龍

本后土後遷之為社大封先告后土注云后土神

不云后土後遷之為社大封先告后土注云后土神

社也前答趙商曰當言后土禮大封先告后土注云后土神

大縣邑或曰君舉而哭於后土中庸郊社之禮所以事上帝也

春命民社注云社地神不言后土省文此三者皆當定之否答

注云社祭地神不言后土省文此三者皆當定之否答

曰后土祭地神不言后土省文此三者皆當定之否答

土後轉為社故世人也死以為社而祭之故曰句龍為后

之大名也信十五年傳履后土而戴皇天指地為后土

也句龍職主土地故謂其官為后土此人為黃帝能成

后土之官後轉以配社又謂社為后土也黃帝能成

命百物以明民共財解黃帝少典之裔子帝軒轅也命

名也疏黃帝至共財○淮南時則訓黃帝少典之子以

平御覽又引淮南注曰黃中色地道載物故稱名也祭

法疏上雖有百物而未有名黃帝為物作名正名其體

也齡案祭法言黃帝正名論語馬融注正百事之名也  
漢藝文志名家者流蓋出於禮官凡辨名所在不可苟  
為鉅析皇侃論語疏引鄭注正名謂正書字也古者曰  
名今世曰字禮百名以上書於策錢大昕謂倉頡制文  
字正當黃帝之時名即文也物即事也孔穎達曰明民  
者垂衣裳使貴賤分明得其所以先覺也孔穎達曰明  
至是而文字大備民聰明為之先覺也孔穎達曰明民  
達曰共財者謂山澤不鄣教民取以自贍也孔穎達曰

修之解頤頤黃帝之孫昌意之子帝高陽也能修修黃

帝之功疏頤頤黃帝之孫昌意之子帝高陽也能修修黃

記昌意娶於蜀山氏蜀山氏之子謂之昌濮氏產顓頊  
章解所據大戴禮之義也路史言顓頊渠頭併幹通眉  
帶午淵而有謀疎以知遠龍文負圖於是書科斗百辟  
作戒盈之器室上緣黃帝因事而慮功文德錫之鐘磬  
武德錫之干戈而人知鄉方矣僞名罔保大澤制十等  
之幣以通有無曰權衡宿疇以成泉幣亡滯工賈此顓  
頊修成命帝嚳能序三辰以固民解固安也帝嚳黃帝  
共財之事

之曾孫元器之孫嶠極之子帝高辛也三辰日月星也

謂能次第三辰以治歷明時教民稼穡以安之疏帝舉

民○路史後紀極取陳豐氏曰哀履大跡而傷生舉

方顛麗覲珠庭此齒戴於厥德神靈厥行祇肅口日月

而迎送之以順天之則謂寅賓出寅餞納日教民稼

穡以固民也揖其民力更相爲師因其土宜以爲民

於足盡地之制受少昊高陽之經理卒創九州以統

下國此序三辰以固民之事也漢書律歷志日合於天

統日月合於地統斗合於人統堯能單均刑法以儀民解

此日月星爲三辰之事也堯能單均刑法以儀民解

堯帝舉之庶子陶唐氏放助也單盡也均平也儀善也

疏堯能至儀民○路史後紀帝堯高辛氏第二子母陳

豐氏曰慶都高辛次妃也嘗觀三河之首赤帝顯圖

奄然風雨慶都遇而萌之震十有四月而生於丹陵是

口放勳注勳達於四方日放或曰以帝德倡後人取放

在堯也單盡也荀子宥坐篇若不可廢不能以單之

傷倬注亦訓單爲盡均平也者說文云平徧也地官之

屬有均人鄭注均猶平也爾雅釋詁刑法也周頌烈文  
百辟其刑之則通型說文型鑄器之法也儀善也者亦  
釋詁文郭注引詩儀刑文王儀通義文王篇宣昭義問  
毛傳義善也路史又云堯年十有七謨以侯伯恢踐帝  
率天下以仁而人從之故一出言而天下誦萬物齊使  
之而成戶之而止唯恐言而莫予違也是能儀民之事  
也舜勤民事而野死解舜顓頊之後六世有虞帝重華  
也野死謂征有苗死於蒼梧之野疏解舜顓至之野○  
華父曰瞽瞍瞽瞍父曰橋牛橋牛父曰句望句望父曰  
敬康敬康父曰窮蟬窮蟬父曰帝顓頊韋解以舜為項  
六世孫此本史記義也羅泌駁之曰舜有天下受之堯  
祖堯之祖不得自致其祖受終文祖及桀於文祖即顓  
頊也皆祖堯之祖故有虞氏禘黃帝而祖顓頊此推其  
位之所自傳者而祖之也祭法鄭注有虞氏以上尙德  
郊禘宗祖配用有德而已是鄭意亦以虞氏所祖非其  
親也史云自窮蟬以來微在庶人夫窮蟬既為帝何得  
未幾微為庶人男女辨姓禮之庶人夫窮蟬既為帝何得  
從孫豈得娶堯之女且以舜為堯之從孫則禹為舜之

從祖堯授天下於從孫舜授天下於昭八年傳史趙明言陳  
授鳥得謂能以天下予人齡謂昭八年傳史趙明言陳  
爲顓頊之族昭九年傳裨竈又言陳水屬也此傳下文  
明言幕能帥顓頊以杼上甲微太王高圉例之則舜祖  
幕幕祖顓頊矣史記之言不可謂謬矣檀弓山海經並  
言舜葬蒼梧之野史記五帝本紀舜崩於蒼梧之野葬  
九嶷山呂氏春秋言舜葬於紀九嶷山下有紀邑孟子  
言舜卒於鳴條及郡古文帝舜四十九年居於鳴條五  
十年陟沈約注鳴條有蒼梧之山帝崩遂葬焉王應麟  
曰今蒼梧山在海州近蒼梧之紀則史記呂氏春秋皆與  
孟子合至征苗則淮南子亦云舜征三苗死然司馬光  
詩虞舜既倦勤薦禹作天子安得復南巡迢迢渡湘水  
則征苗未足深信蓋鳴條  
非常都之地故云野死與鯀鄣洪水而殛死解殛誅也  
鯀顓頊之後禹之父也堯使治水鄣防百川績用不成  
堯用殛之於羽山禹爲天子而郊之取其勤事而死疏  
解殛誅至而死○史記夏本紀索隱引世本云鯀爲顓  
頊子宏嗣不從世本者以漢書律歷志云顓頊五代而

生鯀蓋鯀既與堯同時論世次不得爲高陽子故但云  
後也路史後紀高陽生駱明駱明生白馬是爲伯鯀字  
熙汶山廣柔人姁直敗數帝使治水稱遂共工之過廢  
帝之庸九載無功齡謂禹貢既修太原先儒謂因鯀之  
功而修之作十有三載乃同先儒謂并鯀九年而數之  
故孔穎達曰亦是微功於人故得祀之若無功焉能  
治水九載又世本云作城郭是有功也鄭志答趙商云  
鯀非誅死鯀故居東裔至死不得返於朝禹乃其子也  
以有聖功故堯興之若以爲殺乃父用其子而舜禹何  
以忍乎而尙書云鯀則殛死禹乃嗣興者箕子見武王  
誅紂今與已言懼其意有慙德爲說父不肖則罪之子  
賢則舉之以滿武王意也齡謂居東裔而不返卽是殛  
若謂懼其意有慙德而言殛以滿武王之意則是阿諛  
新君烏得爲殷之仁人乎況殛鯀於羽山虞史先已言  
之非創自箕子也晉語昔鯀違帝命殛之於羽山化爲  
黃熊以入於羽淵實爲夏郊三代舉之此以死勤事之  
也事禹能以德修鯀之功解鯀功雖不成禹亦有所因故

曰修鯀之功

**疏**

禹能至之功○漢書古今人表鯀妃女

名文命受禪成功曰禹呂氏春秋行論篇堯以天下與  
舜鯀爲諸侯怒於堯曰得天之道者爲帝得地之道者  
爲三公今我得天之道而不以爲三公以堯爲失道者  
欲得三公怒甚猛獸欲以爲亂舜於是殛之於羽山副  
之以吳刀禹不敢怨而反事之以官爲司空以通水潦顏  
色黎黑步不相過竅氣不通以中帝心蓋絲未嘗無功  
因自恃其功而爭故致敗也呂氏春秋愛類篇上古龍  
門未開呂梁未發河出孟門大溢逆流無有邛陵沃衍  
平原高阜盡皆滅之名曰鴻水禹於是以德修縣功之  
也契爲司徒而民輯解契殷之祖爲堯司徒能敬敷五  
教輯和也疏契爲司徒而民輯○史記殷本紀殷契母  
燕周云契生堯代舜始舉之必非譽子以其父微故不  
著名其母有娥氏女與宗婦三人浴於川元鳥遺卵簡  
狄吞之則簡狄非帝譽次妃明也齡謂鳥卵之說託始  
於商頌元鳥之詩然詩是記祈福之期所謂元鳥至  
降之日以行弓觶之禮淮南隆形訓高注亦得於元鳥

姊妹二人在瑶臺帝營之妃也與遷語同則譙說非也

荀子成和篇契為司徒民知孝弟尊有德漢書百官公卿表高作司徒敷五教應劭注五教父義母慈

兄友弟恭子孝也輯和也者說文輯車和輯也冥勤其

官而水死解冥契後六世孫根圉之子也為夏水官勤

於其職而死於水疏解冥契至於水○史記殷本紀契

上卒子昌若立昌若卒子曹圉立曹圉卒子冥立集解

引宋衷曰冥為司空勤其官事死於水中司馬貞曰曹

圉系本作糧圉漢書人表冥根圉湯以寬治民而除其

子則曹圉根圉糧圉同一人也

邪解湯冥後九世主癸之子為夏諸侯以寬得民除其

邪謂放桀扞大患也疏解湯冥至大患○史記殷本紀

子報丁立報丁卒子報乙立報乙卒子報丙立報丙卒

子主王立主王卒子主癸立主癸卒子天乙立是為成

湯韋解言九世并冥數之也呂氏春秋異用篇湯見祝

網者置四面其祝曰從天墜者從地出者從四方來者

國小



皆離吾網湯曰嘻盡之矣非桀其孰為此也湯收其三  
而置其一面更教祝曰昔蛛蝥作網罟今之人學紆欲  
左者左欲右者右欲高者高欲下者下吾取其犯命者  
漢南之國聞之曰湯之德及禽獸矣四十國歸之尙書  
大傳湯放桀居中野士民皆奔湯桀與五百人南徙十  
里止於不齊不齊士民往奔湯桀與屬五百人從於魯  
魯士民復奔湯桀曰國君之有也吾聞海外有稷勤百  
人與五百人俱去此以寬治民而除邪之事也稷勤百  
穀而山死解稷周棄也勤播百穀死於黑水之山毛詩  
傳云疏解稷周至傳云○詩生民毛傳姜姓也后稷之  
母有邰氏女曰姜原姜原爲帝嚳元妃姜原出野見巨  
人跡心欣然說踐之而身動如孕者居期而生子以爲  
不祥初欲棄之因名曰弃弃爲兒時好種樹麻菽及爲  
成人遂好耕農相地之宜宜穀者稼穡焉民皆法則之  
帝堯聞之舉弃爲農師舜封弃於邰曰后稷又春秋緯  
少昊傳八世顓頊傳九世帝嚳傳十世則堯非嚳子稷  
又年少於堯則姜嫄不得爲嚳妃鄭志當堯之時爲高  
辛氏世妃謂爲其後世子孫之妃也與毛傳史記異也

集解引山海經大荒經黑水青水之間有廣都之野后稷葬焉皇甫謐曰豕去中國三萬里夏本紀華陽黑水惟梁州正義引括地志黑水源出梁州城固縣西北大山黑水西河惟雍州索隱引鄭元引他說云三危山黑水出其南又引地記曰三危山在鳥鼠之西南齡謂大荒經所紀稷葬界太遠遠殊不足據后稷封郃郃在雍州境則黑水之山

文王以文昭

解

文王演易又有文德

周語曰文王質文武王去民之穢

解

穢謂紂也

疏

謂紂穢

也○穢者說文無也徐鍇曰田中雜草也漢書楊惲傳無穢不治湯之數桀曰若苗之有莠若粟之有秕故以穢喻紂朱虛侯曰非其種者鋤而去之漢書故有虞氏敘傳方今大漢洒掃羣穢此去穢之義也

帝黃帝而祖顓頊郊堯而宗舜

解

賈侍中云有虞氏舜

後在夏殷爲二王後故有郊禘宗祖之禮也昭謂此上四者謂祭天以配食也祭昊天於圓丘曰禘祭五帝於

明堂曰祖宗祭上帝於南郊曰郊有虞氏出自黃帝顓

頊之後故禘黃帝而祖顓頊舜受禪於堯故郊堯禮祭

法有虞氏郊嚳而宗堯與此異者舜在時則宗堯舜崩

而子孫宗舜故郊堯耳

**疏**有虞至宗舜○禮祭法疏論

於太廟謂宗廟之祭也喪服小記王者禘其祖之所自出

大傳禮不王不禘謂祭感生之帝於南郊也必知禘

是園正者以禘文在郊祭之前郊前之祭唯罔正但

爾雅云禘大祭以比餘處為大祭總得禘此鄭成

義也錢大昕引惠棟說曰古之聖人生有配天之

有配天之祭故太皞以下列代之所禘太皞以木德

以火德黃帝以土德少皞以金德顓頊以水德王

大享之禮於明堂謂之禘祖宗其郊則行之南郊

宗祖四大祭而總謂之禘者禘其祖之所自出故也鄭

注大傳不王不禘及詩長發箋皆云郊配天是郊稱禘

也周頌雖序云禘太祖也是祖稱禘也劉歆云大神則

終王則宗稱禘也董子曰天地者先祖之所出也禘者

禘其祖所自出故四大祭皆蒙禘名大戴禮記少典產軒轅是為黃帝產元囂元囂產喬極喬極產高辛是為帝嚳帝嚳產顓頊顓頊產窮蟬窮蟬產敬康敬康產句芒句芒產蜺牛蜺牛產瞽瞍瞽瞍產重華是為帝舜又顓頊產鯀鯀產文明是為帝禹虞舜至黃帝八世黃帝尊故南郊舜有勤民之功故自商均以下奉以為宗也夏后氏禘黃帝而祖顓頊郊鯀而宗禹解虞夏俱黃帝顓頊

之後也故禘祖之禮同虞以上上德夏以下親親故夏

郊鯀也疏

郊鯀至宗禹○夏以治水之功有天下而治

鯀於羽山其神化為黃熊以商人禘舜而祖契郊冥而

宗湯解

舜當為嚳字之誤也禮祭法曰商人禘嚳嚳契

父商之先故禘之鄭後司農云商人宜郊契也疏

商人至宗

湯○郊祭雖尊但祭一帝是小德配寡明堂雖卑於郊  
總祭五帝是大德配衆冥雖勤官而水死不及契敷教  
之功爲大故周人禘嘗而郊稷解嘗稷之父稷周之始  
配南郊也

祖也祖文王而宗武王解此與孝經異者商家祖契周

公初時亦祖后稷而宗文王至武王雖承文王之業有

伐紂之功其廟不可以毀故先推后稷以配天而後更

祖文王而宗武王疏解此與至武王○孝經宗祀文王

異不知祭法鄭注祭五帝五神于此傳言祖故章解以爲

言爾則此傳之祖卽孝經之宗非有異也周頌成於周

公之手曰思文后稷克配彼天則稷之配郊自制禮之

始而已然矣未嘗始以爲祖後以爲郊也宏綱言初以

后稷爲祖舊無此解不敢輒定祭法疏引月令季秋大

饗帝故知明堂之祭有五天帝及五人帝也此文武之

配皆於明堂上或解云武王配五神於下屆天子之尊

而就五神在庭非其理也此祖宗祭五帝郊特牲祭一

帝而在祖宗上者以其感生之帝特尊之祭法鄭注有虞氏以上尙德郊禘宗祖配用有德者而已自夏以下稍用其姓氏之先後之次有虞氏夏后氏宜郊顓頊殷人以郊契郊祭一帝而明堂祭五帝小德配享大德配衆亦禮之殺也孔穎達曰祖始也言爲道德之初始故云祖也宗尊也以有德可尊故云宗夏云后氏者后君也受位於君故稱后殷周稱人以幕能帥顓頊者也有人所歸往故稱人此並熊氏說也

虞氏報焉

解

幕舜之後虞思也爲夏諸侯帥循也顓頊

有虞氏之祖也報報德之祭也

疏

解幕舜至之祭○史

注幕舜後虞思也於瞽瞍無間違天命以自廢絕宏嗣此解實本賈義然鄭司農曰幕舜之先也杜預亦云幕

舜之先從幕至瞽瞍間無違天命廢絕者路史後紀愛瞽子自敬康而下其祖也敬康生於窮係係出虞幕是

矯牛生瞽瞍案窮係卽窮蟬注又云風俗通義亦謂舜祖幕與呂梁碑合帝系云顓頊生窮蟬窮蟬生敬康敬

康生句芒句芒生矯牛矯牛生瞽瞍窮蟬春秋命口序云顓頊傳二十世三百五十歲則所謂顓頊生窮蟬者

謂窮蟬是項裔孫非父子也路史言窮係出虞幕則幕  
在項後舜前昭八年傳史趙先言幕次言叟次言舜及  
遂則幕為舜祖無疑故內傳孔疏引孔晁國語注幕能  
修道功不及祖德不及宗故每於歲之大然而祭焉謂  
之報言虞舜祭幕  
明幕是舜先矣  
杵能帥禹者也夏后氏報焉解杵禹

後七世少康之子季杼也能興夏道者疏解杵禹至夏

本紀禹崩子帝啟立崩子帝太康立崩弟中康立崩子  
帝相立崩子帝少康立崩子帝予立索隱曰子音仁則  
禹至子雖七君而杵實禹之五世孫也哀  
元年傳季杼滅豷于戈是能興夏道者  
上甲微能帥

契者也商人報焉解上甲微契後八世湯之先也疏解

甲至之先○史記殷本紀契卒子昭明立卒子相土立  
卒子昌若立卒子曹圉立卒子冥立卒子振立卒子微  
立索隱引皇甫謐曰微字上甲其母以甲日生故也商  
家生子以日為名蓋自微始譙周以為死稱廟主曰甲  
也

高圉太王能帥稷者也周人報焉解高圉后稷後十

世公非之子也太王高圉之曾孫古公亶父也疏解高

亶父○史記周本紀后稷卒子不窋立卒子鞠立卒子

公劉立卒子慶節立卒子高圉立卒子差弗立卒子毀

隄立卒子公非立卒子高圉立卒子差弗立卒子毀

謂汲郡古文祖乙十五年而後湯有天下自湯元祀至祖

禹有天下四百五十年而後湯有天下自湯元祀至祖

乙十五祀又二百五十年而後湯有天下自湯元祀至祖

子相傳止十世則每代必七十歲而生子且每代必甫

生而即為君此理所必無者周處西垂竄于戎狄譜

牒久遺其先人之賢而有問者此十人耳十人之外正

多疎闕史記以為相繼之次殊未足據惠棟左傳補注

引昭七年傳服虔注周人不毀其廟報祭之馬融曰周

人所報而不立廟齡謂高圉至周有天下時世數甚遙

久在壇墠之凡禘郊宗祖報此五者國之典祀也解典

法也加之以社稷山川之神皆有功烈於民者也及前

哲令德之人所以為明質也解質信也以其有德於民



而祭之所以信之於民心及天之三辰民所以瞻仰也  
及地之五行所以生殖也解殖長也五行五祀金木水火土及九州名山川澤所以出則用也解謂九州之中  
名山川澤也非是不在祀典今海鳥至已不知而祀之  
以爲國典難以爲仁且知矣夫仁者講功解講論也仁  
者心平故可論功也而知者處物解處名也無功而祀  
之非仁也解言鳥無功不知而不問非知也今茲海其  
有災乎夫廣川之鳥獸恆知而避其災也是歲也海多  
大風冬煥解爰居之所避也疏海多大風冬煥○淮南  
多暴風方冬不寒高注冬當閉藏反行夏盛陽之令故  
多暴疾陽氣溫故盛冬不寒桓十四年無冰穀梁傳注

政治紆緩所致五行傳曰視之不明是謂不哲厥咎舒厥罰常煥滅孫執國政不能修德弭災而索國典故此咎徵也其文仲聞柳下季之言解柳下展禽之邑季字

也疏解柳下展禽之邑○閭若據曰柳下今不可的知

步而樵采者死不赦證之古人多葬於食邑壟所在即

邑所則柳下當在齊之南魯之北二國接壤處昔爲魯地封邑後爲齊所有也曰信吾過也季子之言不可不法也使書

以爲三筴解筴簡書也三筴三卿卿一通謂司馬司徒

司空也疏解筴簡至司空○筴簡書也者莊子駢拇篇

書名司馬與工正書服司空書勲故三卿卿一通也據昭四年傳杜洩之言司徒

文公欲弛孟文子之宅解文公魯僖公之子文公興也

弛毀也孟文子魯大夫公孫敖之子文伯穀也宅有司

所居公欲毀之以益宮使謂之曰吾欲利子於外之寬者解於外寬地以利子也對曰夫位政之建也解建立也此位謂爵也言爵所以立政事署位之表也解署者位之表識也車服表之章也解車服貴賤有等所以自章別也宅章之次也解有章服者之次舍也祿次之食也解居次舍者之所食也君議五者以建政爲不易之故也解五謂位署服宅祿也有其位則治其官服其章居其次食其祿也君議五者以立政事爲不可改易今有司來命易臣之署與其車服而曰將易而次爲寬利也解下而而汝也爲欲寬利汝也夫署所以朝夕虔君

命也解言朝夕者不宜遠也臣立先臣之署服其車服  
爲利故而易其次解先臣父祖之官是辱君命也不敢  
聞命解言臣不守先臣之職而欲寬利則是辱命之臣  
也若罪也則請納祿與車服而違署解納歸也祿田邑  
也違去也若臣有罪則請歸祿與車服而去其官也唯  
里人之所命次解里人里宰也有罪去位則當受舍於  
里宰公弗取臧文仲問之曰孟孫善守矣解善守善守  
職也其可以蓋穆伯而守其後於魯乎解穆伯文子之  
父公孫敖也淫乎莒出奔而死於齊今文子守官不失  
禮故可以掩蓋其父之惡守其後嗣也公欲弛郈敬子

之宅亦如之

**解**

公文公也。郈敬子魯大夫。郈惠伯之後。

元孫敬伯同也。亦如之。亦謂之欲利子於外之寬地。**疏**

解郈敬至伯同。○漢書地理志無鹽縣有郈鄉。昭二十

五年傳杜注郈在東平無鹽縣東南。水經注汶水自桃

鄉四分其左。二水雙流西南至無鹽縣之郈鄉。定十二

年叔孫氏墮郈。今其城無南面。羅泌謂郈即厚。引襄二

十三年厚成叔爲證。史記音義引世本曰魯孝公生惠

伯。革其後爲厚氏。高誘呂氏春秋注郈氏惠伯華之後。

惠棟左傳補注曰世本作惠伯。革康成禮記注革作鞏。

高誘作華。未知孰是。吳時世本未亡。故韋據其文也。

對曰先臣惠伯以命於司里。**解**言先臣惠伯受命於司

里居此宅也。嘗禘烝享之所致君。胙者有數矣。**解**秋祭

曰嘗。夏祭曰禘。冬祭曰烝。春祭曰享。享獻物也。賈唐二

君云臣致祭肉於君。謂之致胙。昭謂此私祭而致肉。非

所以爲辭也致君胙者謂君祭祀賜胙臣下掌致之也

有數有世數也疏王制春秋祭至世數○秋嘗夏禘冬烝見

官以服膳之禮親兄弟之國賈疏謂對文脈爲社稷肉

膳爲宗廟肉其實宗廟社稷器皆飾用蜃蛤故掌蜃云

祭祀共蜃器之蜃注云飾祭器昭十六年傳受蜃歸蜃

其祭在廟劉光伯以爲蜃亦宗廟之祭肉也僖九年王

使宰孔賜齊侯胙僖二十四年傳皇武子曰宋先代之

後也天子有事膳焉此天子待諸侯之禮則諸侯於卿

大夫亦然禮少儀太牢則以牛左肩臂騞折九箇少牢

則以羊左肩七箇牲豕則以豕左肩五箇魯於周公廟

用白牡羣公廟用騂犝出入受事之幣以致君命者亦

則當準九箇之禮也

有數矣解出入謂受使出境入國奉聘幣以致君命者

亦如此宅世數矣疏解出入至世數○儀禮聘禮宰書

幣命宰夫官具及期夕幣使於朝

面衆介立於其左東面史讀書展幣官載其幣舍於朝

上介視載者又云入境斂廔乃展及郊又展如初及館

展幣於賈人之館如初又云賓陽奉束帛加璧享公再拜受幣此出境而奉幣以致命也聘禮又云使者歸及郊請反命朝服載旌乃入陳幣於朝西上賓之公幣私幣皆陳上介執璋屈纁立於其左反命執幣以告曰某北面介執璋屈纁立於其左反命執幣以告曰某君使某子賄執禮以盡言賜禮此入國而奉幣以致命今命臣更次於外解次舍也外外里也爲有司之以班命事也無乃違乎解違遠也言有司以位次命職事於臣臣在外次無乃違遠而不便乎請從司徒以班徒次公亦弗取解司徒掌里宰之政比夫家衆寡之官也敬子自以有罪君欲黜之故請從司徒徙里舍也

夏父弗忌爲宗

解

弗忌魯大夫夏父展之後也宗宗伯

掌國祭祀之禮

疏

解弗忌至之禮○周官太宰疏引崔靈恩曰五大夫者司徒之下立二人

小宰小司徒司馬之下立一人爲小司馬兼宗伯之職  
司空之下立二人小司寇小司空則魯之宗伯爲亞卿  
司馬屬官故

烝將躋僖公

解躋升也賈侍中云烝進也

日魯大夫

謂夏父弗忌進言於公將升僖公於閔公上也唐尙書

云烝祭也昭謂此魯文公三年喪畢禘祭先君於太廟

升羣廟之主序昭穆之時也經曰八月丁卯大事於太

廟躋僖公是也僖閔之兄繼閔而立凡祭秋日嘗冬日

烝此八月而言烝用烝禮也凡四時之祭烝爲備傳曰

大事者禘祭也毀廟之主陳於太祖未毀廟之主皆升

合食於太祖躋僖公逆祀也逆祀者先禰而後祖也疏

解躋升至後祖○烝進也者賈據爾雅釋詁文然此傳  
下文言商周之烝未嘗躋湯與文武則烝爲祭名明矣



賈侍中說未合故韋氏不從毛詩國宮秋而載嘗傳曰  
諸侯夏禘則不禘於時祭之中非以禘禘廢時祭是雖  
行禘禮仍不廢禘嘗之名故知秋嘗而用禘禘即謂之  
烝也逆祀者先禘而後祖也者此章氏據公羊傳立義  
公羊傳注曰後祖者僖公以臣繼君猶子繼父故罔公  
位於公猶祖也推公羊及何休之義謂罔僖非昭穆同  
為穆耳以父子為喻然內傳孔疏曰罔僖不得為父子同  
使兄弟相代即異昭穆此二公位次之逆非昭穆亂也若  
廟即已從毀禮必不然周官小宗伯賈疏周以後為昭穆  
始祖不啻父為昭穆兄弟昭穆為同弟必不為父兄後子  
穆父子異昭穆兄弟昭穆為同弟必不為父兄後子必不  
可為父孫也如公羊之昭穆以閔僖為父子則是以兄為  
弟後以子為父孫其亂昭穆之本紀序也甚矣康成謂商  
廟自契至湯二昭二穆般本陽甲般庚小辛小乙兄六  
弟四王如果兄弟昭異昭穆各為一代將武丁之祭不能  
上及祖乎晉賀循謂禮兄弟不相為一代後不得以承代為  
世又謂兄弟相代則共是一代昭穆位同不得兼毀二  
廟禮之常例也般庚不繼陽甲而上繼先君以弟不繼

兄故也溫嶠謂兄弟同代於恩既順於義無否唐禮官  
謂兄弟不相爲後不得各爲昭穆晉武帝時景文同廟  
廟雖六代其實七主至元帝明帝廟皆十室宋禮官謂  
唐中曆皆處昭位敬文武同爲一世伏請每大祭太祖  
太宗昭穆同位祝文並稱孝子操列代禮官所議合之  
孔穎達之言可知閔僖同居穆位就同位之中而升僖  
於閔上故爲逆祀其昭穆實**宗有司曰非昭穆也****解**宗  
未紊亂公羊之義未爲得也

有司宗官司事臣也非昭穆謂非昭穆之次也父爲昭  
子爲穆僖爲閔臣臣子一例而升閔上故曰非昭穆也

**疏**宗有司○諸侯小宗伯隸於司馬此宗有司又宗伯  
之屬官請侯祭禮已逸其見於司馬此宗有司又宗伯  
條宰命爲酒雍人概鼎七逸其見於少牢饋食者宗人命  
敦於廟爨司宮搜豆籩勺爵觚解几洗篚於東堂下司  
馬升羊右胖司士升豕右胖祝盥自洗升自西階請侯  
宗廟之有司必有繫於此者無文可考不能詳也○非  
昭穆也○言列代之昭穆凡兄弟並居一位者以主入  
之先後爲尊卑今而易之非自古相傳昭穆之禮也

曰我爲宗伯明者爲昭其次爲穆何常之有解明言信

有明德當爲昭閔次之當爲穆也疏我爲至之有○昭

值並非宗伯之在臣位敢衡德之大小而升降先君之

大第也如以德之大小分昭穆則文王居昭武王居穆

將文王之德降於武王乎此弗忌悖理之適言言昭穆

尙可衡德爲升降豈有同居穆位而不可因德以易其

先後乎下文展禽但言順逆有司曰夫宗廟之有昭穆

不言昭穆知昭穆未嘗亂也解昭明也明孝道也各致齊

也解長幼先後也等

齊也胃裔也夫祀昭孝也解昭明也明孝道也各致齊

敬於其皇祖昭孝之至也解皇大也故工史書世解工

瞽師官也史太史也世世次先後也工誦其德史書其

言疏故工史書世○周官瞽矇世奠繫注引杜子春云

世奠繫謂帝繫諸侯卿大夫世本之屬是也小史

主次序先王之世昭穆之繫述其德行啓矇主誦詩并誦世繫以勸戒人君也又小史職云大祭祀讀禮法史以書敘昭穆之俎簋注引鄭司農云大祭祀小史主敘其昭穆以其主奠繫世祭祀史主敘其昭穆次其俎簋小史統於太史故宗祝書昭穆解宗宗伯祝太祝也宗韋解言太史也

掌其禮祝掌其位疏宗祝書昭穆○周公小宗伯掌三子孫人屬之正名喪服小記曰親親以疎鄭注三族謂父九太史凡大禋祀相尸禮注延其出入詔其坐作此宗祝掌禮也猶恐其踰也今將先明而後祖解以信爲明位之事也

而升之是先禘而後祖自玄王以及主癸莫若湯解元王契也主癸湯父也自稷以及王季莫若文武解稷弃也王季文王父也商周之烝也未嘗躋湯與文武爲踰也解不使相踰魯未若商周而改其常無乃不可乎弗

聽遂躋之展禽曰夏父弗忌必有殃夫宗有司之言順  
矣僖又未有明焉解未有明德犯順不祥以逆訓民亦  
不祥易神之班亦不祥不明而躋之亦不祥犯鬼道二  
解二易神之班躋不明也犯人道二解犯順以逆訓民  
也能無殃乎侍者曰若有殃焉在抑刑戮也其天札也  
解不終曰天疫死曰札唐云未名曰天矢之矣曰未可  
知也若血氣強固將壽寵得沒解壽寵老壽而保寵也  
沒終也雖壽而沒不爲無殃解必以殃終也旣其葬也  
焚煙徹於上解已葬而火焚其棺槨也徹達也

莒大子僕殺紀公解紀公生僕及季宅旣立僕又愛季

宅而黜僕僕故殺紀公也以其寶來奔解寶玉也來奔

奔魯也或有魯字非也此魯語不當言魯宣公使僕入

以書命季文子解宣公文公之子宣公倭也命告也僕

人官名文子魯正卿季孫行父疏解宣公至行父釋

又作委文公子母敬嬴諡法善問周達曰宣史記魯世家

集解引世本公子友生齊仲齊仲生無逸無逸生行父穀梁疏又引世本云季友生仲無佚佚

生行父范甯云行父季友生未詳孰是曰夫莒大子

不憚以吾故殺其君而以寶來其愛我甚矣解憚難也

爲我予之邑今日必授無逆命矣解授予也里革遇之

而更其書解里革魯大史克也遇僕人見公書以大子

殺父大逆故更之曰夫莒大子殺其君而竊其寶來不

識窮固又自求邇解固廢也邇近也爲我流之於夷解

夷東夷也今日必通無逆命矣解今日必通疾之之言

明日有司復命解有司司寇復反也文子得書使司寇

出之境明日反命於公也公詰之解詰問僕人以違命

意僕人以里革對解對以里革所更也公執之解執里

革也曰違君命者女亦聞之乎對曰臣以死奮筆奚啻

其聞之也解言所以觸死奮筆而更公命者不欲傷君

德耳奚何也何啻言所聞非一也疏臣以死奮筆○釋

書之也曲禮史載筆孔疏不云簡牘而云筆者筆是臣

書之主則餘載可知案里革爲更書故云奮筆也臣

聞之曰毀則者爲賊解則法也掩賊者爲賊解掩匿也

竊寶者爲軌解亂在內爲軌謂以子盜父用軌之財者

爲姦解財寶也使君爲臧姦者不可不去也臣違君命

者亦不可不殺也公曰寡人實貪非子之罪也乃舍之

宣公夏濫於泗淵解濫漬也漬畧於泗水之淵以取魚

也泗在魯城北又曰南門疏解泗在至南門○水經泗

魯縣北酈注泗水又西南流逕魯縣分爲二流水側有

一城爲二水之分會也西北爲洙洙在魯城北南則泗水夫

洙京相璠服虔杜預並言洙水在魯城北南則泗水夫

子教於洙洙之間卽今於城北二水之中卽夫子領徒

之所也從征記曰洙洙二水交於魯城東北十七里闕

里背洙而泗郭緣生言洙水在城南非也史記家墓記

有夫子冢案洙在洙南魯城又在洙南故酈氏用韋前

一義里革斷其罔而棄之解罔網也疏罔網也○說

也



結纆繩以漁罔九罟毛曰古者大寒降土蟄發解降下也

寒氣初下謂季冬建丑之月大寒之後也土蟄發謂孟

春建寅之月蟄始震也月令孟春蟄蟲始震魚上冰獺

祭魚

疏古者大寒降○漢書律歷志元楊初婺女入度

周爲水虞於是乎講農畝取名魚登川禽而嘗之寢廟

行諸國人助宣氣也解水虞漁師也掌川澤之禁令講

習也畝魚網也畝符也名魚大魚也川禽鼈蜃之屬諸

之也是時陽氣起漁陟負冰故令國人取之以助宣

氣也月令季冬始漁乃嘗魚先薦寢廟唐云孟春誤矣

疏

解畝魚至畝符○爾雅釋器魚畝謂之畝郭注最

大畝也衛風碩人云施畝濊濊疏引李巡云魚畝捕魚

具也釋器又云寡婦之笱謂之鬐郭注引毛詩傳曰鬐曲梁也謂以薄爲魚笱邵晉涵曰今南方排竹水中疎節相維謂之魚薄設門焉隨潮爲啟閉故淮南兵畧訓云發笱門高注笱竹笱所以捕魚其門可入而不得出是制也○解名魚至之屬○夏小正二月祭鮪天官蠹人春獻王鮪呂氏春秋仲春紀高注鮪二月從西河上得過龍門便爲龍說文大鮪長丈餘仲春二日鮪則取名魚其所至有聲矣齡謂魚之大而有名者莫若鮪則取名魚嘗指薦鮪然薦鮪雖在於春而具捕之器講捕之方則大寒後已先備矣天官鼈人嘗取之鼈以屬鄭康成注鼈大鄭司農注互物謂有甲鼈人嘗取之鼈以屬鄭康成注大蛤邵晉涵曰蟹之用有三其一爲陶墻之蟹鄭康成曰將井梓先塞下以蟹禦溼也其二爲祭祀蟹器之蟹定十四年經天玉使石上來歸服之器以蟹饌因名焉其三年爲白盛之蟹鄭康成曰盛猶服成也謂飾饌使白之蟹也○解月令至誤矣○月令鄭注天子必親往視漁明漁非常事重之也此時魚潔美正義中秋以親往視麻季秋以犬嘗魚故云明漁非常事重之也唐氏以此季春薦鮪特云嘗魚故云明漁非常事重之也

釋季冬嘗魚故宏嗣糾之鳥獸孕水蟲成解孕懷子也此謂春時獸

虞於是乎禁罝羅解猶魚鼈以爲夏稿解獸虞掌鳥獸之

禁令罝兔罝羅鳥罝也禁禁不得施也解猶拔也稿乾也

夏不得取故於此時解撥刺魚鼈以爲夏儲疏鳥罝兔至

雅釋器兔罝謂之罝郭注罝猶遮也太平御覽引舍人

爾雅注兔罝謂之羅郭注罝猶遮也太平御覽引舍人

云鳥罝謂之羅郭注罝猶遮也太平御覽引舍人

注鳥飛張網以羅之說文羅以絲罝爲也呂覽季春紀

高注羅鳥網也○解猶撥也○荷周官作籍天官鼈人

鄭司農注籍謂之以秋刺泥中搏取之說文籍刺也惠士

奇曰獵莊子作擣冬則擣鼈於江即西京賦所謂又族

之所謂擣擣東京賦謂爲爵族謂巢鳥之巢猶魚氏

之穴故取之司農讀爲爵族乾至夏儲○淮南秦族訓

湯之初作罔以奉宗廟鮮犄之具高注生肉爲鮮乾肉

爲犄犄犄右字通故稿訓乾周官籩人朝事之籩應鮑

魚鱸惠士奇引或說鱸卽蓴藏魚也古音若詐今音助  
若想鮑亦煊乾之但不析耳此以魚爲夏稿之事

生阜也解阜長也鳥獸方孕故取魚鼈助生物也鳥獸

成水蟲孕水虞於是乎禁罾麗設罝鄂解罾當爲罾罾

麗小網也罝陷也鄂柞格所以誤獸也謂立夏鳥獸已

成水蟲懷孕之時禁魚鼈之網設取獸之物也疏解罾

小網○荀子成相篇恐爲子胥身離凶進諫不聽到而

獨鹿東之江楊注當是此章義所本明道本傳文作禁罾

賈逵云罾麗小罾也此章義所本明道本傳文作禁罾

罾麗黃丕烈札記據西京賦李善注與明道本同因謂

宋公序於正文刪罾字於注文罾當爲罾改云罾當爲

罾大繆齡謂黃說非也罾是大網衛風施罾濊濊是也

罾與罾之小者尙禁則大者可知故舉罾麗足以及罾況

書徵引各據所見之本不必盡同如上文講罾罾說文  
引作溝罾罾安得就溝字以疑講字也○解罝陷至誤

獸也堅○秋官雅氏春為阱獲穿地為漸以捕禽注獲柞鄂

跡獸○堅地阱淺則設柞鄂於其中惠士奇曰淮南子曰走

策云人有脚蓋設柞鄂以擠其脚而獲之一名係蹄戰國

獸足逸周書曰不卵不蹶以成鳥獸是以以實廟庖畜

功用也解以獸實宗廟庖廚也而長魚鼈畜四時功足

國財用也疏庖之言包也包裏肉曰包豈也齡謂庖取

禮運以炮以脯之義若包裹且夫山不槎桀解槎斫也

則菁茅橘柚皆膺斯名矣○爾雅釋詁烈桀餘也書疏

以株生曰桀疏引山不槎桀○爾雅釋詁烈桀餘也書疏

傳注引詩苞有三葉桀劉德云謂木斫髡而復桀生也

今毛詩本作葉說文作憾云伐木餘也淮南傲真訓作

梓又轉作肄汝潰毛傳斬而復生曰肄槎澤不伐天解

漢書引作罷顏注罷邪斫木也葉髡斫之澤不伐天解

草木未成曰天疏有華之盛者天天其少壯也說文引

草木未成曰天疏有華之盛者天天其少壯也說文引

草木未成曰天疏有華之盛者天天其少壯也說文引

草木未成曰天疏有華之盛者天天其少壯也說文引

草木未成曰天疏有華之盛者天天其少壯也說文引

作朽云草木少盛貌鄒風天未沃沃毛傳魚禁鯢解鯢

魚子也鮠未成魚也疏詩疏引李巡爾雅注凡魚之子

總名為鯢禮內則濡魚卵醬實蓼鄭注卵讀為鯢鯢魚

子或作鯢邵晉涵曰魚易生子大寒降取名魚亦有懷

美者東海之鮠高注鮠一云魚子則即未成魚也獸

長麇

解

鹿子曰麇麇子曰麇疏

獸長麇麇○爾雅釋

問訓孟孫獵而得麇使秦巴西持歸烹之麇野隨之而

啼則麇麇蓋通字王制不麇不卵鄭注重傷物未成也

術訓不取麇天高注麇子曰天是也鳥翼解翼

成也生哺曰穀未孚曰卵疏解翼成至日卵○翼成也

如卵子翼而長之淮南秦族訓卵之化為雛非慈雌嘔

暖覆伏累日積久則不能為雛也爾雅釋鳥生哺穀郭

注鳥子須母食之漢書東方朔傳注引項昭曰凡鳥哺

子而活者曰穀生而自啄曰雛莊子天地篇鶉居而穀

食言其仰物而生也未孚曰卵者呂覽木味篇流沙之

西丹山之南有鳳之九高注九古卵字淮南時則訓季

冬之月雞蟲舍蜺蜺解蜺蜺子也可以為醢蜺復陶也

呼卵是也可食舍不取也疏蜺蜺至不取○爾雅釋蟲蜺蜺大

日蜺蜺醬夏小正二月抵蜺蜺蜺卵也為祭醢也釋蟲

又云蜺蜺蠅陶左傳疏引李巡注蜺蜺蜺子也郭注蜺蜺子未

有翅者宣十五年冬蜺生杜預謂蜺子以冬而生遇寒

而死漢書五行志引劉歆說則以為蜺蜺之有翼者孔

穎達以為歆說非也祭統陸產之醢鄭荅庶物也解荅

注蜺蜺之屬此傳言舍者不盡取也鄭荅庶物也解荅

息也今魚方別孕不教魚長又行網罟貪無藝也解別

別於雄而懷子也藝極也公聞之曰吾過而里革匡我

不亦善乎是良罟也為我得法解良善也使有司藏之

使吾無忘諗解言見此罟則不忘里革之言也諗告也

師存侍解師樂師存名也曰藏吾不如寘里革於側之  
不忘也解寘置也

子叔聲伯如晉謝季文子解子叔聲伯魯大夫宣公弟  
叔肸之子公孫嬰齊也謝季文子者魯叔孫僑如欲去  
季氏譖季文子於晉晉人執之郤犇之妻聲伯之外妹  
也故魯成公使聲伯如晉謝之且請之事在魯成十六  
年郤犇欲與之邑弗受也解郤犇晉卿苦成叔也以妻  
故親聲伯故欲爲請邑以予之歸鮑國謂之曰子何辭  
苦成叔之邑欲信讓邪抑知其不可乎解鮑國鮑叔牙  
之元孫鮑文子也去齊適魯爲施孝叔臣對曰吾聞之



不厚其棟

**[疏]**

棟不厚其棟也。說文棟極也。繫傳極屋脊之

極亦訓爲中。儀禮鄉射記鄭注是制五架之屋也。正中曰棟。次曰楣。前曰展。是屋中棟最高而任最重也。不

能任重

**[解]**

厚大也。任勝也。重莫如國。棟莫如德。**[解]**言國

至重非德不任。國棟夫苦成叔家欲任兩國而無大德

**[解]**

任負荷也。兩國晉魯也。其不存也。亾無日矣。譬之如

疾余恐易焉

**[解]**

疾疫癘也。苦成氏有三亾少德而多寵

位下而欲上政

**[解]**

位爲下卿而欲專國政。無大功而欲

大祿皆怨府也

**[解]**

怨之所聚。故曰府。其君驕而多私。**[解]**

其君謂厲公也多私多嬖臣也。勝敵而歸必立新家。**[解]**

勝敵敗楚也。大夫稱家立新家。謂立所幸胥童之屬爲

大夫立新家不因民不能去舊解不因民之所惡不能去舊卿也因民非多怨民無所始解言郤氏多怨民所始伐也爲怨三府可謂多矣解三謂少德而多寵位下而欲上政無大功而欲大祿也其身之不能定焉能予人邑鮑國曰吾信不若子若鮑氏有讐吾不圖矣解讐兆也言鮑氏若有禍兆吾不能豫圖之今子圖遠以讓邑必常立矣

晉人殺厲公解晉人晉欒書中行偃也邊人以告解邊人疆場之司成公在朝解成公魯宣公之子成公黑肱也公曰臣殺其君誰之過也大夫莫對里革曰君之過

也夫君人者其威大矣解君天也故其威大矣失威而

至於殺其過多矣解過不積不至於殺且夫君也者將

牧民而正其邪者也若君縱私回而棄民事解回邪也

民旁有慙無由省之解慙惡也省察也益邪多矣若以

邪臨民陷而不振解陷墜也振救也用善不肯專則不

能使至於殄滅而莫之恤也將安用之解安用君也桀

奔南巢解南巢揚州地巢伯之國也今廬江居巢縣是

也疏桀奔南巢○史記夏本紀帝皐崩子帝發立帝發

桀名也案帝皐生發及桀此以發生桀皇甫謐曰桀索隱曰

郡古文武王十三年巢伯來賓後漢郡國志廬江有居

巢侯國故知右之巢國即今之居巢夏木紀又言湯率

兵伐桀桀走鳴條遂放而死匈奴列傳索隱引樂彥括

地譜云夏桀無道湯放之鳴條蓋鳴條者敗奔之地南  
巢者竄伏之所也本紀正義引括地志廬州巢縣有巢  
湖卽成湯伐桀放於南巢者也淮南子云湯敗桀於山  
與妹喜同舟浮江奔南巢之山而死國語云滿於巢湖  
齡案正義所引國語逸文及諸說並與此傳同唯尚書  
大傳湯放桀居中野士民皆奔湯桀與屬五百人南徙  
十里止於不齊不齊士民往奔湯桀與屬五百人南徙  
於魯魯士民復奔湯桀曰國君之有也吾聞海外有人  
與之五百人俱去此則秦紂踣於京解踣斃也京殷京師  
漢之際傳聞異辭耳紂踣於京解踣斃也京殷京師  
也疏紂踣於京○路斃也者喪十四年傳與晉路之孔  
兵忌東面而迎太歲至汜而汜至無乃不可乎周公曰剖  
山墜霍叔懼曰三日而五災至無乃不可乎周公曰剖  
比干而囚箕子飛廉惡來知政又惡有不可焉遂選馬  
而進朝食于戚暮宿于百泉厭旦於牧之野鼓之而紂  
卒易鄉遂乘殷人而進誅紂殷京師者卽史記正義引  
括地志所云衛州東北七十三里朝歌故城是其地也  
厲不於彘解厲周厲王也彘晉地幽滅於戲解幽幽王

爲西戎所殺戲戲山在西周疏注幽滅於戲○水經渭水

注焉渭水又東戲水注之水出麗山焉公谷東北流又

北逕戲亭東應劭曰戲宏農湖縣西界也地隔諸縣不

得爲湖縣西蘇林曰戲邑名在新豐東南四十里孟康

曰乃水名也今戲亭是也夫戎敗幽王於戲水上身死

於麗山之北漢書高帝紀顏注戲在新豐東今有戲水

驛其水本出藍田北界橫嶺至此而北流入渭詩王風

孔疏引孔晁國語注戲西周地名戲皇甫謐曰言麗山國語云

於戲則是驪山之下有地名戲皇甫謐曰言麗山國語云

東二十里戲亭是也潘岳西征賦云軍敗戲水之上身

死麗山之北則戲水名章昭云戲山名非也齡案宏嗣

因戲水發源於麗山遂以麗山爲戲山故名非也齡案宏嗣

之然稷死於黑水之山則山亦可以水名也至路史國

名紀注引西京道里記謂皆是術也解術道也皆失威

幽褒戲此而名則妄矣

多過之道夫君也者民之川澤也行而從之美惡皆君

之由民何能爲焉解川澤者以君喻川澤民喻魚也從

之者魚從川之美惡以爲肥瘠

季文子相宣成無衣帛之妾無食粟之馬仲孫它諫

**解**

仲孫它魯孟獻子之子子服它也曰子爲魯上卿相二君矣妾不衣帛馬不食粟人其以子爲愛且不華國乎

**解**愛吝也華榮華也文子曰吾亦願之

**解**願華侈也然

吾觀國人其父兄之食麤而衣惡者猶多矣吾是以不敢人之父兄食麤衣惡而我美妾與馬無乃非相人者

乎且吾聞以德榮爲國華

**解**

以德榮顯者可以爲國光

華不聞以妾與馬文子以告孟獻子

**解**

獻子它之父仲

孫蔑也獻子囚之七日

**解**

囚拘也自是子服之妾衣不

過七升之布

**解**

子服卽它也八十縷爲升

**疏**

衣不至之

傳斬衰三升既虞卒哭受以成布六升爲母疏衰四升

謂之總總曰升升曰登又漢令徒隸衣馬餼不過稷莠

**解**

餼秣也稷童根也莠草似稷而無實

**疏**

馬餼不過稷

草根童梁曹風下泉疏引陸機疏云秀爲穗莠爾雅釋謂之童梁今人謂之宿田翁或謂之守田邵晉涵曰陸機所說與許叔重同南方農諺謂之扁子礲瘠之地與雨陽不時人力不齊則穀有稗而無米謂之稷也秀者說文禾粟下揚生莠詩疏引鄭志韋曜問甫田維莠今何草答曰今之狗尾也今狗尾草所在有之狀誠似稷而不結實與根之不實者同

文子聞之曰過而能改者

民之上也使爲上大夫

國語正義卷第四終